

THE FORKS!

Ayíw nína Alloway Arch! Nété nistom káki ositániwak óma anima káki cimaték kici wáskáhikan méskanák Main Street ká itakik. Ispimik anté itápi ta wápataman tánisi káki isinikásoyan. Tánisi máka?

Ayíw nína Canadian Museum for Human Rights! Kékwána ká ápataki ispi é ositániwak óma kici wáskáhikan?

Tánisi! Piwápiisko méskanaw otápánask mwésci nína itowa óta mána kí pimá-watásowak éko anisininiwa kí pimáwanéwak. Nisoyik kí oci tipénimikawinán. Kika wináw ná ana péyak káki tipénitak óma!

Ayíw nína métawénaskamik anté Forks National Historic Site. Anté ká pakémoki anihi Main Street éko Post Office ékota takon péyak átit kayási wáskáhikan. Kékwána ká masinahakáték óta oma kici wáskáhikan?

Ayíw nína Manitoba Children's Museum! Átit óma wáskáhikan káki ositániwak. 1889. Éko anima kotak 2011. Masinastaya anima mawaci ká oskinákok. Tánéki oci?

Ayíw nína Oodena Circle! Nína ni nókotán tánisi kayási pimácihona kápé isi nóciikániwaki óta The Forks. Ki miskén ná anihi ka masina-hisíikátéki anta asinik? Kékwán ita nókok!

Ayíw nína Forks Market! Pósi anima ispákénikan nété isi mawaci ispi. Péyak wíta ésinikáték anihi iníkok ékota ká oci wápataman anihi wáskáhikana!

Ayíw nína Forks Historic Port! Émwés takoki iskotéwitápánakwask éko nanátok otápának, tánisi óta ká isi takosikik anisininiwak?

Mawapiw Niizhoziibeon!

WINNIPEG ARCHITECTURE FOUNDATION
winnipegarchitecture.ca
@wpgarch

MAP BY KAJ!

NATAWI NANÁTAWÁPI ANTÉ FORKS KÁ ITAKIK!

Nanátok ité oci anisinápéwak kí nitá mámawíwak mána ité ká matahisiciwaki anihi misti sípiya Red éko Assiniboine ká itakik ékwáni ásay awasimé nikotwási kici mitátomitanaw askíya. 1700s kákí akimit askíy, ománotéwak Europe oci kákí máci takosikik ékoté épé atáwécik átaya éko otinikéwikamikwa ékí ositácik ékosi anima kita isi wítatoskémácik aniki ité ká ayánit anisinápéwa. Inikok é ati póni akimik 1800s askíy písim, anikik Canadian píwápisko méskanáwa ká paminakik kí ati miscétiwak éko miscétinwa ékotowa otápának ita é nakiskátocik óté oci wápanok ité éko nékápékanok ité oci Canada. Ékwáni ékosi kákí póni itápatak óma kákí askíwak 1970s. Éko anima Forks kákí méskwaténicikáték kita itápatak ékwáni kí isítániwan National Historic Site ká itakik kákíapé akisot askíy písim 1974 wina inikok ékí kisténitákok ité kayási nóccikéwina óta Canada ékota ékí oci mácihimakaki. Kiyápic minénitamwak ité é itáwanitocik é natawi nakiskátocik ókik nanátok ité oci ininiwak éko Canadians.

Alloway Arch (1910)

Anima Alloway Arch ká itakik nistom kákí takok ité kákí tasi ositániwak sóniyáwikamik anté 362 Main Street. Ispík anima sóniyáwikamik kákí píkonikáték, anima sípa pimotéwin awésicikan kí nánistinikátéw éko kí nástániwan kita kinawénicikáték nántaw ité. Kinowés tántato mitátomitanaw askíya kákí násték, émwés mina kítwám kákí kitáwatácik 2015 éko kítwám ékí mámawi tápinakik éko anté éki natawi cimatácik The Forks. Anoch éko ékota takon anima kákí ositániwak papámotéwinak Broadway Promenade ká itakik, ité anihi papámotéwi méskanása anté oci Union Station ká isi anísko isicikátéki anima ta ásowitániwak Esplanade Riel ásokan.

Canadian Museum for Human Rights (2014)

Anima Canadian Museum for Human Rights éyako máwaci nistom ékotowa kayásiwina ká wápatiniwék kici wáskáhikan éko é wítak ta wápatiniwét anihi kici okimáwin wanasowéwin asotamáwina. Ayíw kákí ositát éko kákí iténitak tánisi kita isítániwak éko kita isinákok wanawítimáyik éko anta pítikwamik Antoine Predock wina inikok anikik okíhokéwak ita kápe itotécik ta papámotécik anté nistom ká oci pítokécik inikok ta kisi kispátawícik inikok ta kisi kospátawícik kakinaw ta wápatakik óma misiwé é nókoki anihi kákí isi pamitániwaki éko kinawápacikáték kayási asotamáwina. Awa Predock anihi mino síkimiwéwina óta Canada ká takoki étaskamiskák, anté oci paskwéskak éko anihi kóna ká takok asiníy wacík éko nipiý kí ápacitáw anima kákí oci isinákositát.

Rail Cars

Inikok kita minowacikátéki anihi kayási píwápi kso méskanáwa óta kákí ápatakí, ékotowa anihi otápánakask ékosi kákí itápatakí óta wanawítimik The Forks ká itakik tasi kinawénicikátéwa kakinaw awiyak kita wápatak éko kita pa pítikwét ésinákoninik ékwáni. Anihi píwápisko pimáwatápánáskwak pá pakán kí yá isinákosiwak pítikwamik wina tánisi anima kákíapé itápatakí. Átit kí itápatanwa é áwatácik nanátok itowa atoskéwi ápacitáwina, mícima, éko átit kí isítániwana kita pimáwanácik anisininiwa. Átit anihi, tápiskóc óma ká mikonákok, éyako wina kí ápatan ita ta pósiyát kita pimáwanát ininiwa ita takí tasi mícisocik éko kékwána kita minikwécik.

The Forks Market (1909–1912)

Anima Forks Market níso mána anihi wáskáhikana, nistom kákí itápatak kita tasi kinawénimicik mistatimwak. Ékwanik anihi mistatimwak é áwatácik atáwéwina, atoskéwi ápacitáwina éko nanátok kékwána titipitápáskwa é otápécik. Ékwani anihi níso mistatimokamiwak ékota kí kinawénimáwak 220 mistatimak ékospík. Ékwani kí niso ánisko isícikátéwa péyak kici wáskáhikan ékota ta oci ositániwak 1989 kákíapé askíwak. Ékota éko pisci takonwa anima Forks Market nanátok atáwéwikamikosa éko mícisowikamikwa.

The Forks Historic Port (1991)

Ékota óma mána kákí tasi nitá nakiskátocik nanátok ité oci anisinápéwak éko émistikósiwak átaya é natawi nóciyácik éko kí mosci tá takociméwak wéká anihi ká pimástaki misti mistiko címána kákí ápacitácik é pimáwatásocik ité ké nakiskawácik awiniwa éko kita má méskwatónamátocik kékwána. Éko anoch anima, Forks Historic Parks ékota oci kapániwan címána ká ápatakí kita itotániwak ita ká takoki anihi nanátok atáwéwikamikosa éko mícisowikamikwa The Forks Plaza ká itakik. Énípik, kikakí papámipitikawin kita papámi itápiyan nanátok címána é ápatakí ékosi é itatoskániwak éko ékota oci sipwépaniwa éko takopaninwa anihi címána. Éko ká pipok kikakí papá sóskanátawín wéká sóskswanátahiwinátikwán anta sípík.

Oodena Celebration Circle (1993)

Anima Oodena Celebration Circle ékota ká tasi áskaw kitocikániwak, níminániwak mékwác nántaw ká isi maminokwácikáték kísikáw, isitwáwina, éko nanátok mámawihitowi isicikéwina. Anima Oodena Ojibwa píkiskwéwin anima é itwániwak “ité otéhi ká ayámakeaninik itáwinik”. Kákí ositániwak ékwánima ékosi kita itócikániwak ita é kisténimácik aniki nanátok anisinápéwa óta kákí tasi mámawi nakiskátocik ásay awasimé nikotwási kici mitátomitanaw askíya. Ayaháwak kákí ositácik kita isinákoninik HTFC Planning + Design ká iticik ékosi ká itatoskécik éko cícic kí tápitawi wítatoskéméwak kayitéyátisa tánisi kita isítániwak anima kayási kékwána wápatinihiwéwina kici wáskáhikan.

Manitoba Children’s Museum (1889)

Óma wáskáhikan mána kí itápatan ité Northern Pacific éko Manitoba Railway Repair Shop ká itakik kákí takoki. Ékóma máwaci kayási wáskáhikan inikok ékota ká takoki itowa anta The Forks ká itakik. Ékota kákí tasi ositániwaki anihi kákí pá píkopianiki píwápisko otápánask, éko anohc ká kísikák ékota ká takok anima Manitoba Children’s Museum. 2011 é akimit askíy písim, anikik Syverson Monteyne Architects kákí ánískó ositácik é misiwé minosiwastahikáték kotak wáskáhikan ékota isi anima nistom wáskáhikanik.

Play Area at Forks National Historic Site (2013)

Anima Play Area kákí isítácik kita isinákoninik ékosi kákíapé itatoskécik anikik HTFC Planning + Design óko ékí ositamawácik Parks Canada ékwéniw. Óma ékosi ká isinákosicikáték ká kinawénicikáték métawékamik éki oci mino síkimiwéwin ékí ápatak inikok kákíapé isi kayási nóccikániwak óta. Ékota kikakí oci kiskénitén tánisi kayásk ká isi ká méskatawákániwaki kékwána, tánté ká ototécik óta kákí takosikik kitapé wíkcik ománotéwak, éko tánisi ékospík kákí isi pimakamikisinániwak askík éko nipík, éko mina kotaka mistahi kici kiskénitamowina ékospík oci anta misiwé nanátok métawéskaminák. Ékwánima ká kinawénicikáték métawéskamik mistahi kikakí itakamikisin ispík ité itotéyani kiyám wina piko ké isiwépak.

Niizhoziibeau

Níso sípiya óma ká itwániwak é inímonániwak ékoma óta itéké kí acisinikátámwak káyitéyátisak ta kisténi atotakik óhi kayité isicikéwina éko ká isi kisénitakok tápiskóc anihi Red éko Assiniboine Sípiya.

ANIKIK WINNIPEG ARCHITECTURE FOUNDATION

WINNIPEG ARCHITECTURE FOUNDATION

WINNIPEG ARCHITECTURE FOUNDATION

DOWN TOWN WINNIPEG BIZ

DOWN TOWN WINNIPEG BIZ

THE FORKS

THE FORKS

OKSANA ULISKO

OKSANA ULISKO

ANIMA ASKÍWASINAHIKAN KÁKÍ TÁPASINAYAK KAJ HASSELRÍS.

KÉ ISINÁKONINIK AYÁW KÁKÍ ITÓTAK BURDOCKS.